



"Ach, Omi, de Trommel vu dir
war wirklich mei schienstes
Weihnachtsgeschenk."

"Tatsächlich ?", freit siech de Omi.

"Ja, Mami gibt mir jedn Tog 5 Euro,
wenn ich net drauf spiel!"



Wer am 13.12.2019 zum Hotel gefahren und auch wieder nach Hause gefahren werden will, der möchte bitte anrufen:

Günter Schmidt, Tel.: 2395

Sollte der Fahrdiensthabende nicht gleich erreichbar sein,
dann bitte öfter anrufen – ruhig auch schon ein oder zwei Tage vorher !!!




Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt`l



Nummer
177

Mitteilungsblatt des
Erzgebirgischen Heimatvereines
Eibenstock e.V.

Dezember
2019



**All unseren Mitgliedern und Freunden
wünschen wir
eine frohe und besinnliche Weihnachtszeit
sowie alles Gute im Neuen Jahr 2020 !**

Is Stollenbacken

Is Gahr gieht zu End, der November is do,
draußen wird's kälter und de Tog namme oh.
In de Gärten wird's kahl in daarer Zeit
und mor denkt an de kummende Weihnachtszeit.

Eine ganz wichtige Frog – egal, ob mir's wolln –
is dieser Tog, wann back mr de Stolln?
Mr möchten nauf zu unnern Bäck,
denn de besten Backtermine sei schnell weg.

Mr möchten aa in manchen Loden laafen
und die ganzen Backzutaten noch eikaafen.
Do warn mir uns in großen Zettel machen
mit all den nutwendigen guten Sachen:

Zucker, Rosinen, Aromen und Zitronat,
Manneln und drzu noch eweng Orangenat.
Gute Butter muss mr aa in den Teig neirührn,
aa e Flaschel Rum möchte sei, den kaa dr Vater erst probiern.

Es gibt natürlich aa ganz verwöhnte Guschen,
die noch Schokolade und Mokkabohnen mit neimischen.
Hot mr alles dann zeracht gemacht,
wird's am Backtog hie zum Bäck gebracht.

Der wirkt den Taag, er formt de Stolln,
die im Ufen in aaner Stund, schie braun waarn solln.
Dann kumme se raus, wieder an de Luft,
und de Backstub is voll vom herrlichen Stollnduft.

Hamm gefahrn wern se mit'm Auto oder Schlieten,
des is von Fall ze Fall do ganz verschieden.
Is wichtigste is an daarer Geschicht,
des um Gottes Willen ja kaaner zerbricht.

Nu kimmt die schiene Aufgab für unner Mutter,
denn auf die Stolln müssen Zucker und Butter.
Su manicher schnett se aa dann gleich drooch
un e Annerer wart halt bis ze de Feiertog.

Ich wünsch eich guten Appetit, ihr lieben Leit,
noch en ganzen Gahr warten wird's wirklich Zeit.
Denn für uns Arzgebirger ist klar was mr wolln,
zum Weihnachtsfast auf jeden Fall e gutes Stück Stolln.

*Aufgeschrieben von Konrad Falk
aus Hundsiebl*

Ne Wunschlist fors neie Gahr

*E bissl meh Friedn
un wenicher Streit
e bissl meh Güte
un wenicher Neid
e bissl meh Liebe
un wenicher Hass
e bissl meh Wahrheit
des wär doch mol was.
Statt dauernd viel Hast
e bissl meh Ruh
statt immer nār „Iech“
e bissl meh „du“
statt Angst un Hemmunge
e bissl meh Mut
un Kraft zen Hanneln,
des wär doch gut!
Ka Triebsal un Dunkel
meh Freid un viel Licht
ka quälndes Verlang
lieber froher Verzicht
un viel mehr Blume
sulang des nār gieht
un net erscht auf Gräbern
do blühn se ze spät!*

*In Huchdeitsch noochzelaasn in
Blaathol beim Kunstfuß-Döhler*

Wir gratulieren unseren Heimatfreunden

Werner Weidlich	am 03.12.	zum 68. Geburtstag
Monika Jung	am 13.12.	zum 60. Geburtstag
Sigrid Oswald	am 14.12.	zum 70. Geburtstag
Erika Nötzold	am 22.12.	zum 80. Geburtstag
Lothar Richter	am 22.12.	zum 58. Geburtstag
Annemarie Baumgarten	am 25.12.	zum 94. Geburtstag
Holger Wiech	am 30.12.	zum 59. Geburtstag



*Aus einem BALD sollte man viel öfters
ein JETZT machen, bevor es ein NIE wird.
(aus einem Simmel-Blatt)*

*Unner letzter Hutznobnd 2019
is dr Lichtlobnd
am Freitag, 13.12.2019,
18.00 Uhr im Hotel „Am Bühl“*

Bitte Teilnahme im Museum Tel. 2141 bis zum 8.12. melden!



**Wie jeds Gahr söllt jeder e klaans Geschenk
diesmol su üm de 10 € net vorgassn !!!**



*Einladung zur
Jahreshauptversammlung
... un Hutznobnd!
am 09. Januar 2020
18.00 Uhr im Vereinshaus*



***Letzte Meldung
zur Spalterei un Schwammegieh:
Am Mammuthaus is allis
ganz ruhich gebliebn!!!***

Hänsl un Gretl in Arzgebirgswald

Dr klaane Hans un Schwester Grete
die hattn siech im Wald vorloffn.
Ihr Händy hatt ken Saft un beede
ham stundnlang ken Mensch getroffen.

När Baam an Baam, wos söll mr sogn,
wu dä när hie in welche Richtung?
Un aa dr Hunger tat se plohn.
Do war of aamol ne klaane Lichtung.

Mit nern Haisl, schie un bunt,
des hat su gut nooch Kuchn gerochn!
Dorfür ne Katz – zen Glick ka Hund -
die Beedn hie, wos ogebrochn...

Is blieb aa net när bei en Stick,
war Hunger kennt, vorstieht des aa.
Of aamol, ach du Ugelick,
kam aus den Haus ne alte Fraa.

Die war sehr freindlich un tat lachn,
se nahm de Kinner mit neins Haus.
Do hätt se noch viel schennre Sachn
när ließ se se dann net meh raus.

Ne Hans tat se nein Stall vorfrachtn,
Den wollt se füttern wie e Schwein.
Is wär ja schließlich ball Weihnachtn,
un Brotn schmeckt bein Karznschein.

De Kinner ham siech schnell berotr.
Is Gretl war sehr fischeland,
hatt´s Händy haamlich aufgelodn,
un ging dar Hax eweng zer Hand.

Dann konnt se schnell in Notruf sendn,
denn hier, do wollten se net bleibn.
Su tat fast allis glicklich enden,
när die Alte musst neins Heim!

Von Gerlinde Theilig,
e paar Brockn imgeschriebn vun Schmidti

Weihnachtn anno dozemol in dr Faldstroß

Wu iech noch e klaaner Gung war – ja, iech
wass, des is mittlerweile schu eweng har – do
ham mir ja in dr Faldstroß gewuhnt. Also iech
suzesogn vu Afang aa, denn dortn bi iech aa
dorham geborn wurn. Mir – des warn de Mam,
dr Pap un außer mir meine drei grußn Brüder.
Ze sechst hattn mir net viel Platz, mir hattn när
ne halbwegs große Wuhnkich mit Kichnschrank,
in Kuhlhard, in grußn Tisch wu mir alle na ge-
passt ham, e Kannapee, in klenn rundn Tisch un
do drnabn zwee Sessln. Des war allis. Un do hat
siech des ganze Labn ogespielt. Wie des esu
ging, ka iech eich nimmer genau sogn, is muß
halt un is ging. Ganz uhne Fernseher, när e
klaans Radjo war de ganze Technik.



Viel vordient hat mei Vater net, mei Mutter war ze dare
Zeit drham un hat de Kinner behiebt. Un trotzdem sei
mir dodrmit klar kumme: wies halt is, su issis! Aa wenn
mir net viel hattn, Weihnachtn war irgndwie gesichert:
do gabs bei uns zen Heilichobnd aus Traditzjon
gepöklts Eisbaa mit Sauerkraut un Meerrettich un
natierlich griene Kließ. De Ardeppln duftn de grußn un
später aa iech mit ner klenn Handreibmaschine zer-
reibn. Des annere allis war Sach vu meiner Mutter. När
bein Sackl ausdrickn musst dr Gruße noch emol
noochhalfn. Wenss zur Bescherung ging, mußtn mir ne
halbe Trepp höher ins Kammerle gieh un owartn, bis
mr gerufn wurn sei. Dann ham unnere Leit gesaat, des
dr Rupprich grad do war, aber kaa Zeit hätt, weil ar
noch zu de annern Kinnern müßt. Tja dogelessn hat dar immer net grad viel: e paar
Sießichkeitn, e paar Sockn oder e neies Hemm. Aufn klenn Tischl stand dor Kauf-
mannslodn mit alln Zeich, wos is nu dozemol an Schachtln dorfier gob: von Ata bis
Russischbrot. Un sugar Licht war do drinne, des hat mei Siegfried do samt ner
Batterie nei gebaut. Die war aber nu schnell nieder un is Lampl war aus. Wos hob
iech gemacht? Iech hob die 2 Drähtle genumme un se halt nei dr Steckdus
gesteckt. Iech tat in Schreiern un de Sicherung war naus!
Aamol hat iech fast gar nicht ofn Tisch liegn un hab schu eweng traurich treinei
geguckt. Do sei meine Brüder naus gange. Kurz drauf ging de Tür auf un se
brachtn ganz stolz for miech e Fahrradl rei. Des hattn se aus e paar altn Taaln
zangebaut, e Sattl hat zwar gefahrt, aber dodrfier hattn se e klaans Kissn
zangebundn un do nauf geschnallt. Un des Ding hat iech e paar Gahr, später aber
hat mir noch irgndwar in richtschn, aber aa när in altn Sattl spendiert. Su wars halt
anno dozemol – mir ham nicht annersch gekannt un mir warn zefriedn, un net blus
in dr Weihnachtszeit!

E schiene zefriedne Weihnacht wünscht eich alln eier Schmidti 3

Mit Eiweck-Gläser bastln -gieht dä des?



Bastln – des is immer wieder ne Rausforderung for den, dar siech des von Eifall bis zur Beschaffung vu den ganzen Krimskrams aatu muss. Bis itze hat des immer unner Annita ganz allaane fertich gebracht, alle Achtung un Dank in all den Gahrn drfier!

Itze sei unner dreie rimgesprunge zen zamsammln: De Antina gar nooch Auerbach gediest un vu nern Großemutter-Kaller Gläser mietgenumme – do war sugar noch de Marmalad vu anno dozemol drinne! De Uta hat is Hotel nooch de Gläser durchgetscheckt un is in Schneeberg rimgerammlt nooch Bastleizeich un de Andrea hat aa ihrer zwee Kaller durchwiehlt un Gläse raageschafft.



Aus unnern Gartn sei noch Konifernzweigle ogeschnietn wurm un gelei bei unnern Nei-Altbau stand e Hagebuttstrauch – dar mußß aa noch dra glabn un seine Früchtle spendiern. Dann wurd des Sammlsurium aus Gläsern, Bindfodn, Nüss, Filzharzle, Zappn, Bucheckerle, Karzn in alle Größn un paar Tüttele feiner Sand. im Museum zwischn gela-

chert. Mei Fraa kunnts net drwarth un hat drham schu mol paar Objekter als Muster gewickelt, geklapt un gebastlt. Un dann gings am 7. nauf ins Vereinhäus, is Auto gerammlt voll vu den ganzn Zeich un endlich dortn aufgebaut. Als dann alle do warn gabs erscht emol zr Stärkung Kliess un Rolladn! Fein agericht un gekocht vu dr bewährtn Lorenz - Brigad! Dann gings endlich zr Sach: Alle kunntn siech ihr Zeich, wos se na die unnerschiedlich grußn Eiweckdinger na richtn wolltn salberscht raussuchn un



an ihrn Platz na trogn. De Bastllehringe Antina un Uta tatn se dodorbei un bei de vorschiednstn Handgriffle tüchtich unnerstutzn– un unner Annita tat allis wagn ne leberblick eweng argwehlich vorfolgn, des aa allis stimme tat. Um de Klabberei rim gabs net nâr Leim un Klabband, sugar drei elektriche Klabbpistoln sei for die Sach bemieht un aa benutzt wurm. Zevor hatt iech mit ne Fredy noch unner neies Multimedia-Zeich samt Biemer nagericht, su des an dr Wand aa noch e paar Bildle vu fertichn Weihnachts-



gläser lichtle als Muster ze dorkenne warn. Als alle zefriedn warn mit ihrer Bastelei ham mir noch in neistn Film vu unnerer 2-Toch-Fahrt aageguckt, des hat alln gut gefalln. Zur Zugab hab iech noch in Ausschnitt vu mein 70. gezeichnet, do sei naamlich de ins Alter gerodne Bietls aufgetratn samt Rollador un Krickstöck!



*Gluck Auf
– Eier Schmidti !*